



## Universitätsbibliothek Paderborn

**Gallia Vindicata, In Qua Testimoniis Exemplisque  
Gallicanæ Præsertim Ecclesiæ, Quæ Pro Regalia, Ac  
Quatuor Parisiensibus Propositionibvs A Ludovico  
Maimburgo, Alijsque producta sunt, Refutantur**

**Sfondrati, Celestino**

**[Ort nicht ermittelt], MDCLXXXVIII.**

3. Nec tamen aliquid in Concilio Pisano aut decisum, aut factum, quod Pontificum in Concilia auctoritati derogare possit; & quæstionem in Concilio toto cœlo ab ea distinctam esse, quæ modò inter nos ...

**urn:nbn:de:hbz:466:1-38277**

siam audire , veróque ac legitimo Pontifici parere. Utque irrefragabili testimonio omnia concludam, id ipsum tres nationes, Gallica, Hispanica & Italica cum Collegio Cardinalium professæ sunt, hoc est, major saniorque Concilij pars, quando in protestatione contra Germanicam Nationem edita, & in qua petebatur, ut omisso interim Reformationis articulo ad electionem procederetur indubitate Pontificis, ita loquuntur: (a) *Ecclesia in periculo remaneret, quia vix aut nunquam Summus Pontifex indubitate posset haberi, quia vix congregaretur indubitatum Concilium deficiente Capite, ad quod pertinet convocare.* En! fatentur Patres Constantienses, nec Pisani, nec aliud Concilium certum esse posse sub incerto Pontifice. Hæc omnia eò pertinent, ut ostendam auctoritatem Concilij Pisani tot Principum, Regum, Antistitum, Sanctorum, ipsiusque Concilij Constantiensis opinione nullo modo certam, & indubiam fuisse , ideoque à quamplurimis mortalium sine Schismatis nota Benedictum & Gregorium pro veris Pontificibus agnitos , quod etiam Maimburgus nunquam sibi constans profiteri compulsus est, quando in libro de magno Schismate Occidentis scribit: (b) *Eorum sententiam, qui Benedictum pro vero Pontifice agnoscabant, probabilem fuisse ( quamvis contraria magis probabilis esset ) & idèo viros sanctitatem, doctrinam, & dignitatem principios postisse illam securā conscientiā amplecti. Siergo teste Maimburgo hæc propositio: Benedictus est verus Papa; erat probabilis, ergo ejus opposita, videlicet, Benedictus non est verus Papa, non erat certa, quod enim est certum, excludit contrariae sententiae omnem probabilitatem;* quemadmodum quia hæc propositio, *nix est alba, est certa; ejus opposita videlicet, nix non est alba, omnino non est probabilis: sequitur ergo Benedictum & Gregorium fuisse probabiliter veros Pontifices, & consequenter auctoritatem Concilij Pisani, quod utrumque deposuerat, ex Principijs Maimburgi, nullo modo certam, sed dubiam fuisse, quod probare suscepseram. Erravit ergo Maimburgus, quando indubias & evidentes veritates Lectori pollicitus, dubias, incertasque supposuit.*

III. Secundo. Demus tamen Concilio Pisano omnem auctoritatem

L 2

tatem

(a) *Protestatio trium Nationum in Concilio Constantensi post session. 38<sup>th</sup> ex Gestis Concilij in 4. MM. SS. cod. apud Schelstratt. fol. 6.* (b) *Maiurb. hist. du Grand. Schism. d' Occident lib. 6. fol. 379. ad Annum 1415.*

quam Maimburgus optat, etiam quam non habuit, adhuc tamen certum est, nihil pro Maimburgo, ejusque sententia facere. Duo enim quæri possunt, *Primo*, an Concilij Oecumenici auctoritas sit major auctoritate Pontificis Schismatici, Hæretici, dubiique, adē ut talis Pontifex à Concilio judicari possit, deponique? *Secundo*, an Concilij Oecumenici auctoritas sit major auctoritate Pontificis Catholici legitimi & certi? De hoc secundo tota quæstio & controversia inter nos est, de hoc Propositiones Parisienses loquuntur, hoc Maimburgus probandum susceperebat, hoc probandum ergo erat. At Concilium Pisanum nihil penitus loquitur de hoc secundo, sed de primo tantum, de quo nulla dubitatio, nulla controversia est; quæ ergo nova hæc disputandi, demonstrandi methodus, probare jam aliâs certa & concessa, non probare negata? quærimus de Pontifice certo, Maimburgus probat de Pontifice dubio: quærimus de Pontifice Catholico, probat de hæretico: perinde, ac si iter Romam quærenti, alter Constantinopolim monstraret. Nihil ergo ad rem faciunt, quæ disputat, & ut dici solet, toto ostio aberrat. Id autem quâm verum sit, hoc est, Concilium Pisanum loqui solum de Pontifice dubio, Schismatico & Hæretico, ex jam dicendis intellige, ubi etiam notabis, quâm malâ fide idem Maimburgus acta Concilij Pisani alleget, invertâque, ut videlicet quod veritate non potuit, evincat pudendis artificijs.

Certum igitur est, quo tempore Concilium Pisanum celebratum est, in eoque Gregorius & Benedictus depositi, nullum certum Pontificem extitisse, sed ob infinitas & contrarias juris & facti rationes vehementer dubitatum esse, utri Pontificum parendum esset, toto Christiano Orbe in duas factiones diviso; nam Italia cum suis Insulis, Germania, Bohemia, Hungaria, Polonia, Angliaque Gregorio parebant, Gallia verò, Hispania, Scotia cum subjectis Insulis Benedicto. Hæc verò incertitudo, uter ex duobus Pontifex esset, tanta fuit, ut Universitates Parisiensis & Bononiensis eam inextricabilem vocaverint, sic enim in Conclusionibus Concilio porrectis loquuntur: (a) *Quinta conclusio flante dubio inextricabilis Papatus propter*

(a) Conclusiones Universit. Parif. & Bonon. ex Gobel. Paderb. Offi. & habentur inter acta Conc. Pisan. apud Binn. T. 3. Conc. p. 2, & Lucam d' Acher. Tom. 6. spicil.

propter dubium facti & juris, ne in subversionem fidei Ecclesia sic maneat perpetuò  
divisa cum tanto scandalô & animarum perditione; provisio spectat ad Concilium,  
ut utrumque eis non cedentibus possit à Papatu ejucere. In quibus verbis duo  
observa: unum, fateri Parisensem Universitatem inextricabile  
dubium fuisse, quis ex duobus verus esset & legitimus Pontifex,  
sicque casum & quæstionem, quæ tunc temporis in Universitate  
Conciliique vertebatur, non eam fuisse, de qua modò disputamus,  
videlicet de vero & indubitato, sed de dubio Pontifice; ut proinde,  
quæ de uno casu decisa in Concilio & Universitate sunt, male ad  
alium casum adeò diversum applicentur. Alterum verò, quod in  
ijs verbis observari oportet, est, utrámque Universitatem, Bononiensem  
videlicet & Parisensem, potestatem Concilij de Pontifice  
exauctando expressè ad solum casum dubij Pontificis restringere;  
sic enim loquitur: *Stante dubio Papatus inextricabili, provisio spectat ad Concilium.* Siergo nullum sit dubium, provisio non pertinebit ad Con-  
cilium; si enim absolutè, ac etiam omni dubio remoto posset de  
Pontifice Concilium providere, cur restringeret ad solum casum  
Pontificis dubij? Certum igitur & indubitatum est, Concilium  
Pisanum agere, & decidere de alio omnino casu, quam ille sit, de  
quo nos disputamus; illud enim de dubio Pontifice, nos de indubia-  
to, certoque loquimur. Imò quod majus est, Patres Concilij  
Pisani velut trepidarent etiam in dubiis, incertisque Pontifices  
sententiam dicere, illud omni studio conati sunt, ut aliam causam,  
magisque certam inquirerent Pontificem deponendi, hæresin  
videlicet, quæ unica causa est, ob quam Pontifices dignitate suâ  
excidunt; & ideò in omnibus sessionibus, citationibus & sen-  
tentijs in duos Pontifices latis, hanc causam eos deponendi ob-  
tendunt: *Quod videlicet essent notorij Schismati, necnon notorij here-  
tici, & à fide devij; credebat enim remotâ hæresi, ne quidem  
judicari illos à Concilio, multò minus deponi posse.* Id ita  
esse ex singulis sessionibus hujus Concilij patet, quas breviter  
percurram. Nam sess. 3. hæc habentur: *Declaratio ad Decretum  
latum contra duos contendentes de Papatu ob contumaciam ipsorum in causa  
fidei, & schismatis contumacie.* Et infrà. *Sancta Synodus Dominos Petrum  
de Luna, & Angelum Corario de Papatu contendentes, & quantum in eis est.  
Ecclesiam DEI in notorio schismate tenentes, & proclamatos in causa Schismatis*

& fidei ad hoc præsens & sacrum Concilium. Et sess. 9. Insuper sacra synodus ex causis, quibus suprà pronuntiavit, statuit, & decrevit, prefatos contentes de Papatu in præsenti causa Schismatis & fidei contumaces fore &c. Et infra, item eadem sacrofæcta Synodus in favorem fidei, & Schismatis extirpandi &c. Et sess. 13. in oratione Magistri Petri Plaust: *Et postmodum posuit opinionem Universitatis Parisiensis, videlicet, quod Petrus de Luna est Schismaticus, pertinax, & hereticus, etiam accipiendo heresim propriè & strictè, & precipius ab Ecclesia DEI &c.* Idem habetur sess. 14. & sess. 15. ubi recitat sententia in Benedictum & Gregorium à Concilio dicta: *Christi nomine invocato sancta & Universalis Synodus declarat &c. Utrumq; fuisse, & esse notorios Schismaticos, & antiqui Schismatis nutritores, nec non notorios hereticos, & à fide devios.* Et in prima conclusione Parisiensis & Bononiensis Universitatum: *Utrisque de Papatu contentes ex debito Pastoralis officij veri vel pretensi stante Schismate tam inveterato tenetur & debet credere, ex quo propter dubia juris & facti super Papatu alterari non potest unio & pax in Ecclesia DEI &c.* Et in 3. conclusione. Papa stante tali Schismate pertinaciter resistendo incurrit crimen notorium, propter quod subjicitur provisioni Concilij, & ultra hoc concluditur Schismatis nutritor & fautor, cuius oblatione & vetustate descenditur in heresim, & fides leditur, cuius proviso pertinet ad Concilium. Hactenus Acta Concilij, ex quibus aperte intelligas Concilium semper loqui de dubio Pontifice, heresisque comperto, & Schismatis tempore, & idèo semper haec à Patribus repeti; sollicitis quippe, ne de alio quam Schismatis casu, aut alio Pontifice, quam dubio incertòque intelligerentur. Eandemque Universitatis Parisiensis doctrinam & cautelam fuisse, suas Conclusiones ad casum Schismatis restringentis. Nec enim epistolam ignorabant Adriani II. in octava Synodo letam approbatamque action. 7. ubi intet alia haec habet: *Romanum Pontificem de omniam Ecclesiârum Praefilibus judicasse legitimus, de eo vero quemquam judicasse non legimus.* Lièt enim Honorio ab Orientalibus anathema dictum sit, sciendum tamen est, quia fuerat super heresi accusatus, proper quam solum licitus est minoribus Majorum suorum moribus resistere. Vides Adrianum ne Concilio quidem Oecumenico permittere ( hoc enim Honorio anathema dixerat ) ut extra casum heresim Pontificem judicet, néque Concilium Oecumenicum octavum contradixit; sed potius summis laudibus eam epistolam extulit. Patet

tet ergo Concilij Pisani mentem, doctrinam & decreta, ad solum Schismatis & hæresis casum pertinere, de quo alibi (a) actum.

IV. Sed excusari Maimburgus utcunque posset, quippe aut statum quæstionis, de qua nunc agimus, aut Concilij mentem & verba non satis observavit: illud vero nulla ætas, nulla historia (cui fidem suam obstrinxit) ignoscet, quod sciens prudensque sententiam Parisiensis Universitatis pervertit, eique non aliud tantum sensum, sed alia omnino etiam verba adaptet, pari & sui dedecore, & Lectorum, quos fallit, injuriâ. In suo enim Tractatu historico de Prærogativis Ecclesiae Romanae capite 21. fol. 148. prope initium hæc habet: Petrus Plauff unus ex Universitatis Parisiensis deputatis longa, doctrina oratione, quam in pleno Patrum confessu peroravit, multis rationibus Ecclesia Universalis, & consequenter Concilij, quod eam reprobant, auctoritatem Pontificia auctoritati prestare ostendit, addidicique hanc esse Parisiensis, & omnium Gallie Universitatum sententiam. Sed quam à veritate hoc sit alienum, facile ex verbis actisque Concilij intelleges, quæ aliud omnino exhibent, quæque non potuit ignorare Maimburgus: sic ergo habent: (b) Decima tercia sessio fuit die Mercurij, die 29. Maii, in qua post Missam & Litanias Magister Petrus Plauff pro Universitate Parisensi dixit, opinionem Universitatis esse, iſtos duos contendentes debere reputari Schismaticos, & hereticos pertinaces, firmans auctoritatem Concilij ad decidendam hanc causam, & declarandum, eos esse ab Ecclesia præciosos & abjectos &c. Postea in medio: Unus Episcopus Italicus dictus Novariensis legit quandam schedulam facientem mentionem; qualiter secundum ordinationem Dominorum Cardinalium per D. Cardinalem Mediolanensem fuerunt simul congregati omnes Magistri in Theologia & Licienciati, qui ad dictum Concilium de multis partibus & Universitatibus convenerunt, & inter eos fuerit habita plena deliberatio super ista materia, & postea in eandem opinionem convenerant, & concordes fuerunt, videlicet, quod dictos contendentes tenent Schismaticos &c. Vides quam alia sit Parisiensis aliarumque Universitatum sententia, ab ea, quam illis affingit Maimburgus; non enim dicunt: Concilia esse supra Pontificem, ut ille mirâ fiduciâ scribit: Sed Benedictum & Gregorium pro schismaticis & hereticis habendos, & Concilium

(a) Regale Sacerdot. fol. 415. & 462. (b) Acta Pisana ex editione Lucæ d' Acher sess. 13. & Philippi Labb. edit. Parif.